



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Khamis, 10 Februari 2022	
1	-Dijangka rugi RM200 juta sebulan -Peniaga makanan mengeluh, bekalan ayam kurang
2	Mampukan kita boikot ayam, telur?
3	17 ekor lembu mati disyaki kena racun
4	MDB tangkap haiwan ternakan berkeliaran
5	Government deals with high chicken prices
6	Jangan main sentiment harga ayam-MAFI

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

Ramai pengusaha ladang ternakan bakal gulung tikar, tiada modal pusingan

Dijangka rugi RM200 juta sebulan

Oleh ZULKIFLI MANZOR

PETALING JAYA – Industri ternakan ayam diramal mengalami kerugian kira-kira RM200 juta sebulan tidak lama lagi disebabkan pelaksanaan kawalan harga ayam.

Bekas Penasihat Persekutuan Persatuan-Persatuan Penternak Malaysia (FLFAM), Datuk Jeffrey Ng berkata, keadaan itu akan menyebabkan ramai penternak gulung tikar atau mengurangkan jumlah ternakan agar dapat terus bertahan.

"Penternak sudah tiada modal pusingan untuk membawa masuk anak ayam ke ladang.

"Kos ternakan ayam dianggarkan RM6.50 sekilogram, tetapi kami diminta menjual pada harga RM5.60 sekilogram. Jika penternak diminta berniaga untuk rugi bermakna mereka diminta supaya gulung tikar.

"Penternak akan mengalami kerugian RM1 (sekilogram), jadi mereka tidak boleh buat pusing modal. Jika berlaku kekurangan bekalan, jangan salahkan pihak penternak kerana tiada siapa mahu berniaga untuk rugi," katanya kepada Kosmo! semalam.




KERATAN Kosmo! 8 Februari 2022.

Jeffrey meletakkan jawatan selaku Penasihat FLFAM pada Isnin lalu kerana kecewa dengan krisis yang berlaku selain menjadi mangsa kemarahan penternak yang mengalami kerugian.

Mengulas lanjut, Jeffrey memberitahu, semasa musim perayaan Deepavali pada November lalu, penternak dibenarkan menjual ayam pada harga RM6.30 sekilogram, namun ketika itu harga dedak masih belum meningkat tinggi.

Jeffrey tidak dapat memberi jawapan sama ada akan berlaku krisis bekalan ayam dalam tempoh terdekat kerana perkara itu tertakluk kepada kerajaan yang membenarkan pengimportan bahan mentah itu sebelum ini.

Tambah Jeffrey, terdapat kira-



RAMAI pengusaha ladang ternakan dijangka mengalami kerugian sekiranya kos operasi seperti harga dedak meningkat tinggi. – GAMBAR HIASAN

kira 3,000 penternak ayam di seluruh negara yang mengeluarkan lebih dua juta ekor ayam dan lebih 30 juta telur dalam masa

sehari sebelum ini.

Kosmo! kelmari melaporkan gara-gara harga dedak naik mendadak, beberapa pengusaha

ayam segar di Johor terpaksa mengurangkan jumlah ayam yang dipelihara di ladang bagi mengurangkan kos operasi.

Peniaga makanan mengeluh, bekalan ayam kurang



PENIAGA makanan merupakan antara golongan yang akan turut terkesan sekiranya bekalan ayam berkurangan di pasaran. – GAMBAR HIASAN

PETALING JAYA – Masalah kekurangan bekalan ayam di pasaran sekiranya ternakan itu dikurangkan di peringkat ladang bakal menjejaskan ramai peniaga terutama kedai makan yang menggunakan bahan mentah itu dalam masakan mereka.

Presiden Gabungan Persatuan Peniaga dan Peniaga Malaysia, Datuk Seri Rosli Sulaiman berkata, sebelum ini peniaga sudah terkesan dengan harga ayam yang tidak menentu dan kekurangan bekalan bahan mentah itu menyukarkan operasi perniagaan masing-masing.

"Pihak yang berkaitan diminta lakukan sesuatu segera, saya juga ditekan oleh peniaga.

"Mereka mengeluh harga barang termasuk ayam naik, bagaimana mahu berniaga? Sekarang bekalan ayam pula dijangka berkurangan," katanya ketika dihubungi Kosmo! semalam.

Menurut Rosli, pihaknya bimbang ramai peniaga terpaksa

gulung tikar kerana kekurangan ayam boleh menyebabkan harganya terus melonjak tinggi.

Tambahnya, kenaikan harga ayam menyebabkan margin keuntungan peniaga yang menggunakan bahan itu merosot teruk.

"Sebagai contoh, jika dahulu nasi lemak ayam dijual pada harga RM6 sebungkus, namun terpaksa dinaikkan sehingga RM10 jadi pelanggan tidak mahu beli.

"Saya tiada data jumlah peniaga guna ayam dalam perniagaan mereka, tetapi majoriti daripada 1.8 juta peniaga makanan menggunakan ayam ketika ini," katanya.

Beliau turut mengesa kementerian berkaitan supaya mencari jalan untuk memastikan keberuntungan negara kepada dedak import dapat dikurangkan.

"Malaysia perlu hasilkan lebih banyak dedak ayam bermula sekarang kerana keberuntungan kepada import tidak akan menyelesaikan masalah," katanya.

TARIKH	MEDIA	RUANGAN	MUKA SURAT
10.2.2022	KOSMO	NEGARA	10

Mampukah kita boikot ayam, telur?

LAGU Ayam dendangan Jalil Hamid memang ada benarnya. Antara bait liriknya ialah *ayam kampung* dalamlah reban, *ayam bandar* di dalam pasar, kadang-kadang ada harga, naik harga, turun harga.

Ketika ini, ayam dan telur menjadi barang kayangan. Ia akan melebihi kayangan setiap kali musim perayaan.

Kaum Melayu yang menyambut Hari Raya Aidilfitri memang memerlukan dua bahan ini. Ia intipati utama masakan rendang, kek dan kuih raya.

Percayalah, menjelang 1 Ramadan dan 1 Syawal nanti, harga kelapa pula akan meningkat dengan alasan yang sama iaitu bekalan kurang dan permintaan meningkat.

Dengan zaman pandemik Covid-19 ketika ini, pihak tidak bertanggungjawab akan terus menggunakan alasan kononnya tiada pekerja dan kos makanan ayam sebagai alasan untuk menaikkan harga barang mentah.

Persoalannya, apa kuasa kita sebagai pengguna?

Setakat memberi komen dan memaki hamun di media sosial setiap kali ternampak atau terbaca berita mengenai kenaikan nilai barang tidak cukup untuk memaksa peniaga dan pembekal menurunkan harga.

Apa yang kita ada ialah persatuan pengguna. Mereka ini menjadi *pressure group* kepada kerajaan dan pemain industri untuk menyebelahi pengguna.

Namun, ia tidak sekuat mana kerana akhirnya hanya kenyataan yang akan dikeluarkan. Bercakap dan terus bercakap. Tiada tindakan.

Pengguna seperti kita sepatutnya bertindak dengan tegas. Tindakan memboikot menjadi satu-satunya jalan mudah tetapi penuh liku yang boleh diambil ke atas pihak menanggung di air keruh.

Namun, sekuat mana mental dan nafsu kita menahan diri daripada tindakan tersebut? Sejarah boikot di Malaysia menunjukkan ia tidak mampu bertahan lama.

Tindakan memboikot ke atas restoran makanan segera yang didakwa kononnya mengalirkan wang kepada Israel untuk membikin peluru bagi membunuh kanak-kanak Palestin suatu ketika dahulu hanya bertahan beberapa hari.

Menerima nasib yang sama ialah sebuah kedai kopi hipster yang ada logo seakan wanita. Pun tidak kekal lama. Makin ramai anak Melayu singgah setiap kali mengisi minyak atau berbincang mengenai bitcoin dan forex.

Semakin diboikot, semakin banyak pula cawangan yang dibuka dan sentiasa penuh dengan orang. Yang makan lain, pandu lalu pun panjang. Perniagaan semakin subur.

Pelancaran *Buy Muslim First* juga hangat-hangat tahi ayam. Ada satu kumpulan Facebook yang diwujudkan dahulu, namun kini tidak lagi gagah bersuara.

Gara-gara politik, rangkaian televisyen TV3, *Utusan Malaysia* dan RTM juga pernah menerima nasib sama. Kesan daripada tindakan itu, kebanyakan daripada kita tidak menerima maklumat tepat mengenai sesuatu isu dan hanya berharap kepada penipuan internet. Rugi.

Berdasarkan situasi di atas, bersediakah kita untuk memboikot ayam dan telur yang menjadi makanan ruji masyarakat Malaysia? Saya tidak rasa kita boleh. Jadi, terimalah hakikat bahawa kita terpaksa mengeluarkan duit lebih untuk menikmati dua benda itu.

Penternak rugi RM50,000 jadi mangsa khianat 17 ekor lembu mati disyaki kena racun

Oleh MOHD. RIFAAT ABD. HAMID

ALOR SETAR – Seorang penternak kerugian kira-kira RM50,000 selepas 17 ekor lembu baka Brahman miliknya mati secara tiba-tiba di kawasan dusun Kampung Baharu, Panchor dalam Mukim Derang di Pokok Sena, di sini Ahad lalu.

Mat Suki Saidin, 55, berkata, kejadian itu disedari adiknya Hamzah, 53, kira-kira pukul 6.30 petang sebelum menghubunginya yang berada di Alor Setar.

Katanya, selepas mendapat berita itu dia bergegas pulang ke kampung bagi memastikan kejadian itu.

"Sebaik tiba, saya mendapati beberapa ekor lembu sudah mati bergelimpangan di dalam dusun buah-buahan.

"Lebih menyedihkan apabila

masih ada beberapa ekor lembu yang masih bernyawa tetapi dalam keadaan mulut berbuih," katanya di sini semalam.

Katanya, dia berasa sangat sedih dengan kejadian itu dan mengesyaki lembunya diracuni pihak tidak bertanggungjawab.

Menurutnya, ternakan itu dilepaskan ke sawah kerana kebanyakan pesawah sudah menuai hasil padi mereka.

"Adalah menjadi tradisi di kawasan ini setiap kali selepas musim menuai, penduduk kampung yang memelihara lembu akan melepaskan ternakan mereka mencari makan sendiri.

"Namun, saya mengesyaki ternakan itu masuk ke dusun melalui sawah kerana kawasannya tidak berpagar," katanya.

Ujarnya, pengusaha perlulah mendirikan pagar sebelum ber-

cucuk tanam supaya lembu tidak masuk ke kawasan tanaman mereka.

Kata Mat Suki, sebelum ini setiap pagi lembunya akan dibawa keluar untuk meragut rumput di sekitar sawah yang sudah dituai dan pada waktu petang pula akan dibawa masuk ke kandang.

"Saya sudah memelihara hampir 20 tahun dan kejadian seperti ini merupakan kali pertama saya hadapi.

"Keseluruhan lembu saya sebelum ini adalah sihat dan tidak mempunyai sebarang masalah penyakit," jelasnya.

Mat Suki turut membuat laporan di Balai Polis Pokok Sena dan di Jabatan Perkhidmatan Veterinar Pokok Sena bagi mengetahui punca sebenar kematian ternakannya itu.



TERNAKAN Mat Suki mati bergelimpangan selepas disyaki diracun di kawasan dusun di Kampung Baharu, Panchor, di Alor Setar pada Ahad lalu.

MDB tangkap haiwan ternakan berkeliaran



Antara haiwan ternakan berkeliaran yang ditangkap penguat kuasa MDB pada Selasa.

BESUT - Majlis Daerah Besut (MDB) menguatkuasakan tangkapan ternakan berkeliaran berikutan aduan orang awam mengenai gangguan lalu lintas disebabkan kehadiran haiwan itu.

Yang Dipertuanya, Mohd Rashdan Muda berkata, sebanyak empat ekor lembu peliharaan yang ditemui berkeliaran ditangkap dalam operasi yang dijalankan pada Selasa.

Menurutnya, haiwan tersebut ditangkap ketika ditemui merayau dan berkeliaran di sekitar Kampung Raja, Kampung Kuala Besut, Kampung Air Tawar, Kampungg Keluang dan Taman Perumahan Gong Tengah di sini.

“Operasi ini dijalankan sejak sekian lama dan dilakukan secara berkala. Paling kurang sekali seminggu selain bergantung kepada aduan diterima daripada orang awam.

“Jika ada aduan berkaitan haiwan ditemui berada di laluan jalan raya, kita akan segera bertindak untuk menangkapnya

bagi mengelak berlakunya insiden tidak diinginkan,” katanya ketika dihubungi pada Rabu.

Menurut Mohd Rashdan, kesemua ternakan yang ditangkap itu ditempatkan di depoh MDB dan pemiliknya boleh menuntut haiwan berkenaan dalam tempoh tujuh hari daripada tarikh ia ditangkap.

Katanya, pemilik juga akan dikenakan kompaun sebanyak RM250 di bawah Seksyen 6(1) Akta Haiwan Merayau selain perlu membayar kos jagaan sepanjang haiwan itu berada di depoh terbabit.

“Sebenarnya sebelum operasi dijalankan kita telah mengeluarkan notis pemberitahuan mengenai penguatkuasaan yang akan diadakan selepas menerima aduan daripada orang ramai.

“Selepas mengeluarkan notis, kita juga akan turun ke kawasan itu bertemu pen-ternak atau pemilik haiwan ternakan bagi memaklumkan mengenai penguatkuasaan yang akan dijalankan sebelum mengambil sebarang tindakan,” ujarnya.

GOVERNMENT DEALS WITH HIGH CHICKEN PRICES

KUALA LUMPUR: The government is concerned over the recent increases in the price of consumer goods and is committed to ensuring that this is addressed quickly for the welfare of Keluarga Malaysia (the Malaysian Family), said Prime Minister Datuk Seri Ismail Sabri Yaakob on Jan 24.

On Jan 31, he chaired the National Action Council on Cost of Living (NACCOL), which decided to lower the maximum price of standard chickens by 20 sen, from RM9.10 to RM8.90 per kg. Ceiling prices of chicken eggs for all grades will remain the same. This will be in force until June 5.

This was done under the Malaysian Family Maximum Price Scheme (or Skim Harga Maksimum Keluarga Malaysia, SHMKM). This was the third time that the price of chicken has been reduced.

During the Deepavali celebration, the price was fixed at RM9.50 per kg. During the initial SHMKM (Dec 7 to Dec 31, 2021), it was lowered to RM9.30. The price was further lowered to RM9.10 when SHMKM was extended to Feb 4. And now, it has come down to RM8.90.

Other steps are being taken to increase the supply of chicken in the local market. Ismail Sabri said that import permits for whole chickens are now open to all chicken importers with approved permits (AP). Before this, the import of only chicken parts such as wings and thighs was permitted. In addition, chicken import APs are to be extended to hypermarkets.

Another method to control inflation is to intensify the Keluarga



Ensuring the welfare of the Malaysian Family: Under SHMKM, the maximum price of standard chickens has been lowered to RM8.90 per kg, while ceiling prices of chicken eggs will remain the same until June 5.

Malaysia Sales Programme (PJKM), slated for all 222 parliamentary constituencies, to help the people have more access to cheaper basic necessities.

"Kedai Harga Patut (Fair Price Shops) also need to be reactivated nationwide, while Pasar Tani (Farmers Markets) must operate as frequently as possible," said Ismail Sabri on Jan 31.

"Cooperatives involved in the agricultural industry will be roped in to offer basic necessities without the involvement of middlemen as a way to stabilise prices," he added.

The NACCOL meeting also agreed to instruct the Malaysian Competition Commission to investigate the possibility of cartels fixing the price of chicken and eggs.

Domestic Trade and Consumer Affairs Minister Datuk Seri Alexander Nanta Linggi said on Feb 2 that if the government did not control prices, the retail price of chicken would probably exceed RM10 per kg because the cost of poultry farming has increased by 70 percent.

For one, the grains to feed the birds are no longer "chicken feed".

Since Oct 2020, the cost of corn has shot up by more than 60%, while soybean meal prices have gone up by more than 40%. Another problem is the lack of foreign workers, many of whom have returned to their home countries during the Covid 19 pandemic.

Thus, the lowering of retail prices (while costs have gone up) may jeopardise the chicken farming industry (and our food security), with smaller farms being forced to close down.

To deal with this, Ismail Sabri said on Jan 31 that the government

will provide subsidies to the industry to help them as well. Details on the subsidies will be implemented by a cost of living task force until prices stabilise. The task force is headed by the Agriculture and Food Industry Ministry (MAFI), in association with several other ministries, representatives of government-linked companies and consumer bodies.

As for the lack of foreign labour, the Prime Minister said applications to hire Bangladeshi workers were opened in stages on Jan 28.

The NACCOL meeting also discussed the longer-term measures needed to address the issue of food supply and production, especially for chicken and chicken eggs.

For one, the Finance Ministry will look into tax incentives to facilitate a transformation of the chicken farming industry, said Ismail Sabri.

Another step is to support research carried out by the Malaysian Agricultural Research and Development Institute (MARDI) on how oil palm kernel can replace corn and soy as chicken feed to lower costs.

The Prime Minister also proposed that state governments extend the period for agricultural activities for lands under temporary occupation licences (TOL).

"(More) long-term action plans will be discussed in detail in the next NACCOL meeting," he said.

"Proactive action must be taken by the government to ensure prices remain reasonable, while at the same time also ensuring the chicken farming industry is not impacted and able to ensure supply remains stable."

Jangan main sentimen harga ayam - MAFI

Oleh **ZULKEFLI HUSSIN**

PASIR PUTEH: Pemain industri ayam diingatkan jangan mempermainkan isu kenaikan harga ayam dan telur sehingga harganya terumbang ambing di pasaran tempatan.

Timbalan Menteri Pertanian dan Industri Makanan (MAFI) Dr Nik Muhammad Zawawi Salleh berkata, kerajaan akan bertindak jika pemain industri itu terus mempermainkan isu terbabit.

Katanya sentimen yang dimainkan mereka sehingga membebankan pengguna apabila harganya melambung di luar dibenarkan kerajaan.

"Jangan salahkan kerajaan jika mereka berdepan



Dr Nik Muhammad Zawawi Salleh menerima penajaan TJW FC di Agro Resort Jeram Mengaji.

dengan tindakan tegas," katanya kepada pemberita selepas merasmikan pelancaran Jersi, Pengenalan Pemain dan Penaja TJW FC di

Agro Resort Jeram Mengaji, Selising di sini baru-baru ini.

Turut hadir Pengerusi Jawatankuasa Industri Asas

Tani, Bioteknologi, Teknologi Hijau dan Alam Sekitar negeri Tuan Saripudin Tuan Ismail.

Dr Nik Muhammad Zawawi yang juga Ahli Parlimen Pasir Puteh berharap pihak terbabit menghentikan segera perbuatan itu.

"Kerajaan tidak akan berdiam diri dan bertolak ansur terhadap mereka yang cuba mengambil kesempatan terhadap keperluan makanan asas dalam negara," katanya.

Menurutnya juga kerajaan mendapati banyak maklumat mengenainya daripada pelbagai pihak ada yang sengaja dicetus termasuk mahu membakar anak ayam semata-mata ingin menaikkan harga.